

Ustavno povjerenstvo/Ustavna komisija

Уставна комисија
Федерација Босне и Херцеговине
ПАРЛАМЕНТ ФЕДЕРАЦИЈЕ
САРАЈЕВО

Broj: 01/1-02-1591/24-1
Sarajevo, 15. 7. 2024. godine

Primljeno: 15-07-2024			
Org. jed.	БРОЈ	Priloga	Vrijednost

PREDSTAVNIČKOM DOMU PARLAMENTA FEDERACIJE BOSNE I HERCEGOVINE

Ustavna komisija Predstavničkog doma Parlamenta Federacije održala je 15. 7. 2024. godine 9. sjednicu na kojoj je razmatran sljedeći:

DNEVNI RED

1. Razmatranje Prijedloga odluke o postupku izbora i imenovanja sudije/sudija Ustavnog suda Bosne i Hercegovine koje bira i imenuje Predstavnički dom Parlamenta Federacije Bosne i Hercegovine - skraćeni postupak.
2. Tekuća pitanja.

U skladu s čl. 44. i 57. Poslovnika Predstavničkog doma Parlamenta Federacije BiH, Ustavna komisija podnosi naslovu sljedeći:

IZVJEŠTAJ

Ad 1.

Razmatranje Prijedloga odluke o postupku izbora i imenovanja sudije/sudija Ustavnog suda Bosne i Hercegovine koje bira i imenuje Predstavnički dom Parlamenta Federacije Bosne i Hercegovine - skraćeni postupak

Klubovi stranaka u Predstavničkom domu: Klub zastupnika Naše stranke, Klub zastupnika Socijaldemokratske partije BiH, Klub zastupnika HDZ BiH-HNS-a, Klub zastupnika Naroda i pravde i POMAK-a te Klub zastupnika HDZ 1990-HNP-a, 9. 7. 2024. dostavili su Predstavničkom domu Prijedlog odluke o postupku izbora i imenovanja sudije/sudija Ustavnog suda Bosne i Hercegovine koje bira i imenuje Predstavnički dom Parlamenta Federacije Bosne i Hercegovine po skraćenom postupku. Budući da je Odluka o postupku izbora sudija Ustavnog suda Bosne i Hercegovine koje bira Predstavnički dom Parlamenta Federacije Bosne i Hercegovine („Službene novine Federacije BiH“ broj: 06/05) donesena 2005. godine i zastarjela je, klubovi stranaka u Predstavničkom domu podnijeli su novi prijedlog odluke. Dostavljeni prijedlog je

potrebno donijeti kako bi se što prije mogao provesti postupak za izbor još jednog od sudija Ustavnog suda BiH, koji je 10. 1. 2024. godine, broj akta: 01-02-216/24, pokrenula predsjednica Ustavnog suda BiH Valerija Galić.

S obzirom na to da je Ustavom Bosne i Hercegovine propisano da Predstavnički dom bira četvero sudija u Ustavni sud Bosne i Hercegovine iz Federacije BiH, Predstavnički dom je obavezan donijeti odluku kojom će propisati postupak izbora sudije/sudija u Ustavni sud BiH. Iz navedenih razloga, imajući u vidu da se radi o ustavnom pitanju, Ustavna komisija smatra da je nadležna za davanje mišljenja o ovom pitanju, jer se radi o direktnoj nadležnosti Predstavničkog doma PFBiH.

U diskusiji o ovoj tački dnevnog reda pojašnjenja ispred ovlaštenih predlagača izložio je gosp. Mirsad Čamdžić, predsjednik Kluba Naše stranke.

U diskusiji o ovoj tački dnevnog reda učestvovali su: Mirza Čelik, Hakija Bošnjaković, Belmin Zukan i Mladen Bošković.

Nakon diskusije o ovoj tački dnevnog reda, u skladu s članom 44., a u vezi s odredbama člana 57. Poslovnika Predstavničkog doma, Ustavna komisija je sa 6 glasova *za* i dva glasa *protiv* odlučila i dala sljedeće:

MIŠLJENJE

- 1. Ustavna komisija smatra da su odredbe Prijedloga odluke o postupku izbora i imenovanja sudije/sudija Ustavnog suda Bosne i Hercegovine koje bira i imenuje Predstavnički dom Parlamenta Federacije Bosne i Hercegovine u skladu s Ustavom Bosne i Hercegovine.**

PREDSJEDNIK KOMISIJE


dr. Mladen Bošković